

REFORMATIO

CLERI GERMANIAE AD
correctionē uitæ & morum, ac ad
remouendos abusus.

Per Reuerendiss. in CHRISTO patrem, & do-
minum D. Laurentium, tunc S. R. Ecclesiæ TT.
sanctæ Anastasiæ presbyterum, nunc Sabinen-
sem episcopum, Cardinalem, Ad nationem Ger-
manicam, sedis Apostolicæ de latere Legatum
Ratisponæ edita.

STATUTA Synodalia Reuerend. in CHRISTO pa-
tris, & domini, D. Valentini Episcopi Hildesemen.

FORMULA viuendi Canonorum, Vicariorum, & alio-
rum presbyterorum secularium.



LUGDVNI,
SVB SCVTO COLONIENSI.
ANNO M. D. XLIII.

LAURENTIUS

MISERATIONE DIVINA TITV-
li S. Anastasiæ, sanctæ Romanæ ecclesiæ presbyter
Cardinalis, per vniuersam Germaniam, ac Hunga-
riæ & Bohemiæ, Poloniæq; regna, & quæcunq;
alia loca, ad quæ nos declinare contigerit domini
nostri Papæ, & apostolicæ sedis Legatus, ad perpe-
tuam rei memoriam.



LX Legationis officio à sede apostolica no-
bis cõmisso obligamur, vt circa statum per-
sonarum ecclesiasticarum sub finibus nostræ
legationis consistentium in melius reducen-
dum propensius cogitemus, vt quæ in eis à
sanctorum patrum decretis & ordinatione
deuiare perpendifimus, ad debitam reformationis normam di-
rigentes, eis opem & operam adhibeamus efficaces. Nuper si-
quidem cum sanctissimus dominus noster Clemens Papa v i i.
cum pro pastoralis suo officio, tum pro ea affectione, qua in cly-
tam nationem Germanicam paternè prosequitur, intellectis
eius fluctuationibus, hæreticorumq; impietate indies crescen-
te, nos ad vniuersam Germaniam suam & apostolicæ sedis Le-
gatum de latere miserit, non aliam ob causam, quàm vt tran-
quillitati prouinciæ, & saluti animarum, quæ periclitantur ob
dictam nuper natam impurissimã omnium hæreseos sentinam,
consulat. Quod onus licet humeris nostris impar, eius tamen
præceptis & mādatis obedire (vt tenemur) volentes, fratri Chri-
sti fauore, seruatoris nostri (cuius negotium agitur) subiui-
mus. Nihil hic prorsus nostris viribus tribuētes, aut præterea
cupientes, quàm quod ad munus hoc feliciter implendum atti-
neat. Cumq; aliquot mensium experientia multa collapsa, &
præter omnem opinionem difficultatibus plena perpenderi-
mus, cum serenissimo Ferdinando, Hispaniarum principe, ar-
chiduce Austriæ, Imperiali locumtenente generali, communi-
catis consilijs, cõcordi sententia particularem conuentum in
ciuitate Ratisponæ conuocare decreuimus, In quo vnã no-
biscum interfuerunt præfatus serenissimus princeps & archi-
dux, Reueren. Matthæus S. Romanæ ecclesiæ tituli sancti An-
geli

fuo arbitrio quisque præ decorum status sui & viuit & degit. Cæterum cum modernus seculariũ canonicorum status sit animarum periculis plenus, & à statu gratiæ plurimũ elongatus, ideò valde consultum esse videtur, vnicuiq; seculari canonico desideranti in ea vocatione qua vocatus est (hoc est in ecclesia illa, in qua præbendatus est permanere, & animã suam saluam facere) vt supradictam viuendi formulã diligenter attendat, ac iuxta possibilitatem suam ad practicam ponat & obseruet. Est enim debito seculariũ canonicorum statui, prout præsentis patitur qualitas temporis optimè cõueniens. Porro etiã cæteri seculares clerici, præcipuè vicarij alijq; presbyteri & in sacris constituti, eandẽ regulã vel formulã animaduertãt. Nam & ipsi in ea modum viuendi sibi cõgruum descriptum habent.

FINIS.

LUGDVNI,
EXCVDEBANT IOANNES ET
FRANCISCVS FREL-
LONII,
FRATRES.

M. D. XLIII.

